

վարչական տույժ նշանակելու մասին

22 դեկտեմբերի 2021թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հայկ Միրզոյանս, քննելով Իլգիզ Ժադիկովի /անձնագիր՝ AC2882333, ք Գյումրի, Կրուպսկայա 29/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Իլգիզ Ժադիկովի անվամբ 17.01.2020 թվականի թիվ 05100022/170120/0001264 տարանցման հայտարարագրի համաձայն Բավրայի մաքսային կետով ՀՀ տարածք է ներմուծվել HONDA մակնիշի, 2008 թվականի արտադրության, 5J6RE48798L816159 նույնականացման համարով տրանսպորտային միջոց: Նշված տրանսպորտային միջոցը 17.01.2020թ. հանձնվել է մաքսային մարմիններին ժամանակավոր պահպանման: Ժամանակավոր պահպանման ժամկետը մինչև 18.05.2020 թվականն էր: Նշված փոխադրամիջոցի վերաբերյալ Իլգիզ Ժադիկովը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 23.11.2021 թվականին Իլգիզ Ժադիկովի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 22.12.2021թ. ժամը 11:15-ին: Արձանագրության և ծանուցագրի օրինակը պատշաճ կարգով ուղարկվել է կողմին: <<ԱՅՓՈՍ> ՓԲԸ-ի կողմից ծրարը հետ է վերադարձվել : Սույն վարույթի շրջանակներում Իլգիզ Ժադիկովի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 24.11.2021թ. թիվ 27.2/75628-2021 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 01.12.2021թ. թիվ 62392-2021 գրության համաձայն բնակչության պետական ռեգիստրի պահոցում Իլգիզ Ժադիկովի վերաբերյալ տեղեկություններ չկան:

ՀՀ ՊԵԿ գլխավոր քարտուղարի 24.11.2021թ. թիվ 1/27.2/75556-2021 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 01.12.2021թ. թիվ 62293-2021 գրության համաձայն Իլգիզ Ժադիկովի անվամբ անշարժ գույքի նկատմամբ իրավունքի պետական գրանցում կատարված չէ:

ՀՀ ՊԵԿ Հյուսիսային մաքսատուն-վարչության պետի 24.11.2021թ., թիվ Ն/27.2/212773-2021 գրությամբ հարցում է կատարվել ՀՀ ՊԵԿ ներքին անվտանգության վարչություն Իլգիզ Ժադիկովի սահմանատուների վերաբերյալ տեղեկատվություն ստանալու վերաբերյալ: ՀՀ ՊԵԿ ներքին անվտանգության վարչության թիվ Ն/2-3/213902-2021 գրությամբ տրամադրված տեղեկատվության համաձայն՝ քաղաքացին 14.02.2020թ. Երևանի <<Ջվարթնոց>> միջազգային օդանավակայանի միջոցով Հայաստանի Հանրապետությունից մեկնել է :

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Իլգիզ Ժադիկովին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով:
2. Որոշման մասին հայտնել Իլգիզ Ժադիկովին:
3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

Սույն որոշմամբ նշանակված տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մարսավորուն-վարչություն, ԿՈՂ 28):

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ